山庫全幸

史部

歷代名臣奏議卷二

欽定四庫全書

詳校官檢討是朱依吳

編修展兼養動 總校官編修臣王燕緒

校對官中書臣李 荃 謄録監生臣徐紹城

とこりる だれ 委以風憲天下細小之事皆未足為陛下言之敢先以 則流清固其本則未茂臣蒙陛下聖恩拔於眾臣之中 人君修心治國之要為言此誠太平之原本也臣聞修 宋神宗即位初御史中丞司馬光上奏曰臣聞澄其源 欽定四庫全書 歴代名臣奏議卷二 君德 **壁代名臣奏議** 明 楊士奇等 撰

國治殭闕一馬則衰闕二馬則危三者無一馬則亡自 不能私也武而不仁猶知獲而不知種也三者無備則 齡之不疑姦不能感佞不能移此人君之武也故仁而 非此人君之明也武者非强亢暴戾之謂也惟道所在 不明猶有良田而不能耕也明而不武猶視苗之穢而 明者非煩苦何察之謂也知道義識安危別賢愚辯是 之謂也修政治與教化育萬物養百姓此人君之仁也 心之要有三一日仁二日明三日武仁者非過照姑息

金月四月五十二

アンフランニー 隨其所長而用之有功者勸之以重賞有罪者威之以 地而居未必能盡善也故人主誠能收採天下之英俊 益伯夷變龍各守一官終身不易的使之更來迭去易 生民以來未之或改也治國之要亦有三一日官人二 不可至哉昔仁宗皇帝之時臣初為諫官上殿首曾敷 嚴刑譬如來輕車駕駿馬總其六轡奮其鞭策何往而 有所守自古得人之威莫若唐虞之際然稷契皋陶垂 曰信賞三曰必罰夫人之才性各有所長官之職業各一 歷代名臣奏議

卸丘匹库全書 也二物合而成人雖合而成人而無心術之妙精神之 熙寧元年右正言孫覺上奏曰臣聞血者陰也氣者陽 願陛下勿以為迂濶武加審察若果無可取則臣無所 奏此語先皇帝時臣曾進歷年圖又以此語載之後序 運則亦下愚而已矣昔者孔子深見此理而推言之曰 用於聖世矣 語為先者誠以臣平生力學所得至精至要盡在於是 **今幸遇陛下始初清明之政虚心下問之際臣復以此**

とこうえ たたう 老必嗇而貪血氣之衰自然及此故年彌高而德句者 傷神明而悖性理矣又曰血氣既衰戒之在得凡人之 關則殭兵右武拓土開邊以争利於夷狄凡關皆所以 熾無妙道至神以勝之則至于違禮義而戕毒命矣又 曰血氣方剛戒之在鬭二物既盛則令人喜鬭衆人之 血氣未定戒之在色以謂二物之交爭則人之欲心甚 謂之孔子之徒此三者盖論常人之情常人為陰陽所 則尚氣好勝取必於人以争淺小而忘後患人主之 歷代名臣奏議

甚切而聽覽不倦真可謂有意天下者矣然臣之忠竊 獨私愛而過計願陛下深鑒孔子之言而終始以三者 負争强弱則肚之時不悦於關少而寡然長而盡性則 而神明體供而壽考陛下以唇明之質鼎盛之年求治 血氣雖衰而不貪陰陽為之役而不得與之變故心閒 役故一人之身而少肚老三變聖賢則不然知禮義之 色知神明之可尊性理之可樂横逆禽獸不足以校勝 可贵毒命之可實潛心於妙道至神則少之時不惑於

金月四月至書

二年五月王安石選祭知政事上奏曰臣切以為陛下 賞隨之則功罪無不得其實矣 既終亮陰考之於經則羣臣進戒之時而臣待罪近司 姦人得以傅會當如天之監人善惡皆所自取然後誅 富弼徙判汝州詔入覲許肩與至殿門神宗御内東門 為戒則宗廟幸甚天下幸甚 知帝果於有為對曰人主好惡不可令人窺測可測則 小殿令其子掖以進且命毋拜坐語從容訪以治道弼

東巴四年在時一

歴代名臣奏談

戒於耳目之欲至於過差以亂其心之所思則用志不 俗之成甚易也若夫人主雖有過人之才而不能早自 士與有道之君子類進於時有以自竭則法度之行風 見理然後能知人能知人然後佐人可得而遠忠臣良 後能精於用志能精於用志然後能明於見理能明於 後日用人惟己盖以謂不淫耳目於聲色玩好之物然 職當先事有言者也切聞孔子論為邦先日放鄭聲後 日遠传人仲虺稱湯之德先曰不邇聲色不殖貨利而

金月口屋石雪

大正日日日日 材甚各而人之值聖人之時甚難天既以聖人之材付 陛下則人亦将望聖人之澤於此時伏惟陛下自爱以 之所豫慮而陛下之所深戒宜在於此天之生聖人之 秋而享天下之大奉所以感移耳目者不為少矣則臣 精用志不精則見理不明見理不明則邪説設行必窺 自以為七十而後敢縱心所欲也今陛下以鼎盛之春 以來未有聲色玩好之過聞於外然孔子聖人之盛尚 間乗殆而作則其至於危亂也豈難哉伏惟陛下即位 歷代名臣奏議

高大法度與明如此其盛者配天故也所以配天者能! 一蒙陛下之澤則豈非可願之事哉臣愚不勝惓惓惟陛 則天也亦何獨竟為然王天下者莫不欲然也易曰天 有成功與乎其有文章夫堯之為德至民其能名功業 三年右正言李常上奏曰臣聞孔子曰大哉堯之為君 成德而自强以赴功使後世不失聖人之名而天下皆 多分巴月白電 也惟天為大惟堯則之蕩蕩乎民無能名馬魏魏乎其 下恕其狂妄而幸賜省察

文上 日車 全書 歴代名臣奏議 者子思論為天下國家有九經所以行之者修身而已 陛下即位已來聖徳日新殆将天縱碩儒元老自愧不 始於至誠無息而極乎高明上配天德然則志在於配 誠能修身天下國家之治尚足道哉其修身之叙亦必 行健君子以自强不息則王者之事也中庸曰肫肫其 正位行天下之大道不求則天而配其德可乎臣竊聞 仁淵淵其淵浩浩其天配天王者之德也夫立天下之 及追帝王之盛際將在今日臣所以樂為陛下言也昔

金少里是台灣 萬世不垂響於無窮乎非愚臣的以責難之義事陛下 我學不厭皆言其不息也臣願陛下就天質之至明因 天者何可息也詩曰於乎不顯文王之徳之純孔子曰 誠以陛下曆智之資為此甚易故也 盡乎精微比德於唐堯之盛尚慮功業法度不輝耀乎 功德之殊垂光錫祚舄卖繁行久而彌昌者盖天人之 知海州自鞏上言曰臣聞基厚者勢崇力大者任重故 聖術之已著法文王孔子之意勉之又勉極夫廣大而

隆也夫禹之績大矣而其孫太康乃墜厥緒湯之烈盛 世故多矣魏之患天下為三晉宋之患天下為南北隋 **影而諸吕七國之禍相尋以起光武中興然冲質以後** 夷盡矣及秦以累世之智并天下然二世而亡漢定其 昭王難於南狩昭王之子穆王殆於荒服暨于幽属陵 矣而其孫太甲既立不明周自后稷十有五世至於文 王而大統未集武王成王始收太平之功而康王之子 理必至之符然生民以來能濟登兹者未有如大宋之

欽定四車全書 N

歷代名臣奏議

萬事之具雖創始經營而彌給已悉莫貴於為天子莫 皇帝為民去大殘致更生兵不再試而學蜀吳楚五國 六年而更八姓十有四君其廢與之故甚矣宋與太祖 文始一海內然傳子而失唐之治在於貞觀開元之際 富於有天下而舍子傳弟為萬世策造那受命之勤為 之君生致關下九州來同復禹之跡內輯師於而齊以 而女禍世出天寶以還綱紀微矣至于五代盖五十有 節制外串藩服而納以絕墨所以安百姓禦四夷綱理

敗生養蕃息齊民以并容編覆擾服異類盖自天寶之 帝太祖功未有高馬者也太宗皇帝通求厥寧既定晉 末宇内板蕩及真人出天下平而西北之虜猶間入闚 為帝太宗徳未有髙焉者也真宗皇帝繼統遵業以涵 疆錢椒自歸作則垂憲克紹克類保世靖民丕丕之烈 抡是時遂封泰山禪社首薦告功徳以明示萬世不祧 約東而天下銷鋒灌燧無雞鳴犬吠之鸞以迄于今故 邊至于景徳二百五十餘年契丹始講和好徳明亦受 昆光石至是義

|一欽定四庫全書 | 戒非常而上下晏然殆古所未有其豈弟之行足以附 皆警懼否報罷免世以謂得馭臣之體春秋未高援立 觀以周知其情偽其用舍之際一稽於衆故任事者亦 有德傳付惟允故傳天下之日不陳一兵不宿一士以 臣之賢不肖忠邪選用政事之臣委任責成然公聽並 衆者非家施而人悦之也積之以誠心民皆有父之尊 注措謹規矩早朝晏退無一日之懈在位日久明於羣 之廟所以為帝真宗仁宗皇帝寬仁慈恕虚心納諫慎

勞庶政每延見三事省决萬機必咨詢舊章考求古義 及宣究而明識大略足以克配前人之休故皇考之廟 聞者楊然皆知其志在有為雖早遺天下成功盛烈未 所言議施為而天下傳頌稱說德號彰聞及正南面勤 為宋仁宗英宗皇帝聰明敵智言動以禮上帝眷相大 動歔欷其得人之深未有知其所繇然者故皇祖之廟 命所集而稱疾遊避至于累月自踐東朝淵黙恭慎無 有母之親故棄羣臣之日天下聞之路祭卷哭人人感 臣弋召王奏義

欽定四庫全書 作法度之事日以大備非因陋就寡拘牽常見之世所 以後為羞可謂有能行之效令斟酌損益草敞與壞制 變易因循號令必信使海內觀聽莫不奮起羣下遵職 俗而已於是慨然以上追唐虞三代荒絕之跡修列先 獨見於眾人之表其政治所出大抵踵襲卑近因於世 儉可謂有君人之大德憫自晚周秦漢以來世主不能 為宋英宗陛下神聖文武可謂有不世出之姿仁孝恭 王法度之政為其任在已可謂有出於數千載之大志

與之禁盖未嘗與一暴役也所以附民者如此前世或 或老死不知力政然猶憂憐惻怛常謹復除之科急擅 察數議寬減之宜下蠲除之令盖未嘗加一暴賦也民 之辟盖未當用一暴刑也田或二十而稅一然歲時省 者鞭扑之刑然猶詳審反復至于緩固縱之誅重誤入 或不能附其民者刑與賦役之政暴也宋與以來所用 能及也繼一祖四宗之緒推而大之可謂至矣盖前世 失其操柄者天下之勢或在於外戚或在於近習或在 歴代名臣奏議

附於下操柄謹於上處勢甚便而加之以憂勞此今之 未當有須更解也其憂勞者又如此盖不能附其民而 之力其自處之勢如此至于畏天事神仁民爱物之際 於大臣宋與以來戚里官臣曰将曰相未當得以擅事 欽定匹庫全書 | 所以治且安也故人主之尊意諭色投而六服震動言 至於失其操柄又怠且忽此前世之所以危且亂也民 私尺兵一卒之用串藩服於外天下不得專尺土一民 也所以謹其操柄者如此而況輯師旅於內天下不得

三年或一二世而天下之變不可勝道也豈有若今五 歲送以供其職者惟恐在後航浮索引之國非有發名 世六聖百有二十餘年自通邑大都至於荒阪海聚無 屬皆裕如也盖遠莫懿於三代近莫威於漢唐然或四 吟誦至於六府順叙百嘉鬯遂凡在天地之内含氣之 馬相與柱服而戲豫東南之夷正冠東衽相與挾冊而 而贏齊賣以致其勢者惟恐不及西北之戎投弓縱 傳號海而萬里奔走山嚴窟穴之氓不待期會而時輸 **建代名臣奏張**

愛及微物無不稱紀所以論功徳者由小以及大其詳 變容動色之處的於其心無援枪擊析之戒接於其耳 欽定匹庫全書 如此後嗣所以昭先人之功當世之臣子所以歸美其 委曲之常務至於兔置之武夫行修於隱牛羊之牧人 其所言者盖農夫女工築室治田師旅祭祀飲尸受福 在風雅陳太王王季文王致王迹之所由與武王之所 目臣故曰生民以來未有如大宋之隆也竊觀於詩其 以繼伐而成王之與則美有假樂是驚戒有公劉泂酌

美昭法戒於將來聖人之所以列之於經垂為世教也 金石以通神明昭法式者闕而不圖此學士大夫之過 **今大宋祖宗與造功業猶太王王季文王陛下承之以** 也盖周之德盛於文武而雅頌之作皆在成王之世今| 徳猶武王成王而羣臣之於考次論撰列之簡冊被之 廢難久之情養之以徳而成之於心其於勸帝者之功 **俾勿壞盖歌其善者所以起其獨慕與起之意防其怠** 上非徒薦告鬼神覺悟黎庶而已也書稱勸之以九歌 歷七名臣奏義

戒懼者明之至智之盡也如此者非周獨然唐處至治 欽定四庫全書 之極也其君臣相餘曰兢兢業業一日二日萬幾則處 至治之極而保之以祇慎唐虞之所同也今陛下復祖 徳饗有道所以為成王之戒盖履極威之勢而動之以 則今文學之臣充於列位惟陛下之所使至若周之積 冒言其大體至于尋類取稱本隱以之顯使莫不究悉 以時考之則祖宗神靈固有待於陛下臣誠不自揆極 仁累善至成王周公為最盛之時而泂酌言皇天親有

積臣愚區區愛君之心誠不自接欲以庶幾詩人之義 崇侈循之無窮至千萬世永有法則此陛下之素所畜 宗之基廣太平之祚而世世治安三代所不及則宋與 也惟陛下之所擇 饗有道之意而奉之以寅畏俯念一日二日萬幾之不 元豐七年資政殿學士知楊州吕公著上奏曰臣聞人 可以不察而處之以兢兢使休光美實日新歲益閱遠 以來全盛之時實在今日陛下仰探皇天所以親有德 歷七名至秦義

幾微之間而精阻行於千里之外强者為敵弱者為怨 欺者如此而天下之不治未之有也終毫之偽一的於 之内親之如父子信之如心腹未有父子相圖心腹相 之主也何謂至誠上自大臣下至小民內自親戚外至 心如人有病先見於脉如人飲酒先見於色聲色動於 君以至誠為道以至仁為徳守此二言終身不易堯舜 四海之内如盗賊之憎主人鳥獸之畏弋獵則人主孙 四夷皆推赤心以待之不可以終毫偽也如此則四海

道言之則享年永而卜世長此必然之理古今已試之 立而危亡至矣何謂至仁親臣如手足視民如赤子敢 兵省刑時使薄飲行此六事而已矣禍莫逆於好用兵 效也去聖益逐邪說滋熾厭常道而求異術文姦言以 審能行之當獲四福以人事言之則主逸而國安以天 六者而仁不可勝用矣傳曰至誠如神又曰至仁無敵 此四者陷民之坑穽而伐國之斧鉞也去此四者行彼 怨莫大於好起獄災莫深於與土功毒莫甚於奪民利

とこの日 かき

歷代名臣奏議

若不仁而卒歸於仁此皆亡國之言也秦二世王恭當 吾以威四夷而安中國欲順刑多殺則曰吾以禁姦思 學者則曰聖人不仁以百姓為芻狗欲窮兵黷武則曰 主天下之父也為人父而用術於子其可乎為莊老之 濟暴行為申商之學者則曰人主不可以不學析數人 多月四月五十 此言威福不可移於臣下也欲威福不移於臣下則莫 用之矣皆以経術附會其說書曰惟辟作福惟辟作威 而全善人欲虐使厚紋則曰吾以彊兵草而誅暴亂雖

之夫衆未有不公而人君者天下公議之主也如此則 | 改包四重全書 書曰威克殿愛允濟愛克厥威九周功威者畏威之謂 然後從而賞罰之雖名為人主之威福而其實左右之 貨之於人愛憎喜怒各行其私而浸潤膚受之說行矣 威福於是違眾而用已已之耳目終不能徧天下要必 若捨已而從衆衆之所是我則與之衆之所非我則去 威福將安歸乎今之說者則不然曰人主不可以不作 私意也姦人竊吾威福而實之於外則權與人主侔矣 歷代名臣奏議

|難為臣不易如知為君之難也不幾乎一言而興邦乎 說者則不然曰人君當使威刑勝於惠愛如是則予不 哲宗即位監察御史王嚴叟上奏曰臣聞孔子曰為君 如奪生不如殺竟不如然而幽厲威靈之君長有天下 如流民之下也畏威之心勝於懷私則事無不成今之 也愛者懷私之謂也管仲曰畏威如疾民之上也從懷 臣竊以君道之大無所不難尚得其要而持之則所難 此不可不辩也

欽定四庫全書 ■ 歴代名臣奏議 常牵抬小不忍以亂其謀故人君以棄小不忍為難臣 業故人君以久而不倦為難成大謀者存乎斷而人情 為難巧於言之謂佐順於事之謂柔巧言則易得順事 者少矣臣請略舉其要陛下試垂聽幸甚言無所隱之 思誇所以忠信或至於獲罪故人君以察忠信而主之 謂忠心無所敗之謂信忠於主者不避嫌信其己者不 則易從所以传柔常至於日親故人君以辨传柔而遠 之為難廣大業者存乎勤而人情常易於生像以隱其

心而重其事故置右史以記言左史以記動伏惟陛下 言而為天下法動而為天下則聖人思所以嚴百王之 無所難而皆自得益願陛下不以易心處之則德日新 無優游之惠則治道成美陛下盛徳日新四事之要曾 遠之使不害政行之以勤而無廢弛之憂濟之以斷而 **孍叟為起居舍人又論洪範三徳上奏曰臣伏以人主** 又日新矣 以謂為國之要能察忠信而主之使得盡言辨传柔而 欽定四庫全書一八 問之必將體而行之三德者君人之大本得之則治失 之則亂不可須更而去者也臣請為陛下別白而言之 臣敬已書之於冊以示萬世竊伏思念陛下既能審而 神竦既以初聞堯言為喜又以陛下問徳得其要為慶 陛下忽容聖問曰只此三德為更有德臣不覺心躍而 臣預立通英侍講臣司馬康講洪範九畴至人用三德 史入侍顧聞徳音而書之不啻飢渴者亦有時矣昨日 即位以來恭黙思道敬畏不言五年于今臣幸得以右 歷代名臣奏議

直也聲色人之所好也而遠之盤将人之所樂也而絕 之當勿疑惜紀綱謹法度重典刑戒姑息此人主之正 天下之疑邪説所不能移非道所不能悦此人主之剛 之財利人之所貴也而賤之勇於放天下之弊果以斷 之當勿貳附下罔上以盜寵禄而不恤百姓之患者棄 不遷於所僧竭誠盡節以先國家之急而忘其身者任 而忘其惡不以逆已而遺其善私求不狗於所愛公議 夫明是非於朝廷之上判忠邪於多士之間不以順已

疏曰臣聞之於書曰慎厥初惟其終又曰慎厥終惟其 元祐元年御史中丞傅堯俞上宣仁皇后論治性之道 三王之盛可坐而致矣斯無難在陛下勉之而已 屈已以從諫懼若臨深淵怯若履薄水此人主之柔也 而處之如不足俊傑並用而求之猶弗及虚心以訪道 ここうし ここ 用洪範之三德以修己推舉陷之九德以用人則堯舜 也居萬桑之尊而不驕饗四海之富而不侈聰明有餘 三者足以盡天下之要顧人主力行何如耳陛下誠能 **聖代名臣奏議**

性得之猶當加聖心馬夫天地無全功聖人無全能此 甚備非臣筆舌所能形象雖詩書所載丹青所傳始非 不可不思傳曰審好惡理情性而王道畢矣治性之道 有以過也可謂有其始矣臣愚不勝拳拳謂陛下雖聖 得其綱要所以欽崇祖宗導世成俗為子孫百世之慮 人登崇老成開廣言路大義明著仁聲流聞總攬萬機 伏念陛下考古御今修明法度恭儉以克已慈惠以愛 始始則念終不敢不慎也終則念始不敢不勉也臣愚一

一多定匹库全書

卷一

慎一日以圖厥終哉敬願陛下留神省察則天下幸甚 積勞之所成就将中廢而不完美豈可不兢兢業業日 必審已之有餘而强其所不足有餘則養之不敢於不 天下幸甚陛下不遺臣愚屬以言責非臣衰批所當蒙 偏則好惡之情露百邪羣枉必争隊而入矣陛下前日 足則勉之以為戒然後無間可窺而巧偽之徒不得比 無它以陛下通達平均而政出於大公云耳茍一有所 周而望進今陛下不出房闥而天下嚮風百僚奉職者 歷代名臣奏議

陛下既蹈之矣顧不能善其終乎然不可不戒也伏望 馬之年為子孫計畏首顧尾以孤負思異惟始之之難 責其大節寬其近功因臣所能俾効其力臣終不以狗 時臣極其力以死繼之若夫窺人之私摘其細故有聞 盛德明善正失以平庶政舉直錯枉以正大臣方是之 有能否事有大小任有重輕陛下使臣拾遺補過以輔 被仰貪盛明龜勉就職臣報自惟忖盖志有向背而材 必達遇事 報言則非臣之任又非臣之志也伏惟陛下 **欽定匹庫全書**

勝大願 陛下察臣怨数不廢其言特賜覽觀則永譽無悔臣不 陛下神斷不疑下合人情上明邦憲雖一以公議裁之 蔡確以作詩誹謗得罪堯俞又上奏曰臣觀察確狂悖 易曰天下同歸而殊塗一致而百慮天下何思何慮夫 無少件而未能忘懷也外廷側聆日增驚傷臣聞之於 亦須少勞曆思愚臣妄度竊恐陛下於海嶽之量不能 固未當臨之以忽然豈陛下之所樂者哉况區斷之際

きらるる

三年中書舍人曾肇論君道在立己知人上奏曰臣伏 欽定四庫全書 神省察 事莫重於此故惓惓而不能自己惟陛下無易臣言留 卿爱朕深者臣無公綽之才而有其誠臣以為今天下 地之氣和應矣唐柳公綽奏太醫箴以諷憲宗謂之曰 誠而御遐福者也願陛下寬聖心省浮念将情太清以 事至以無心應之既往若未當經意此聖人所以養至 固真粹陛下之氣和則上下之氣和上下之氣和則天 **たかえドラ前**

盖聖人之性與人同在謹其初而已夫性之初若火之 始然泉之始達火之始然一獎衛之微爾及其至也其 有急於問學之誠心夫有克肖祖宗之聖質又有急於 朝無處翰墨是親日御頭英虚心恭已以延講誦可謂 問學之誠心則引而達之廣而大之正今日之所務也 深宫之中不為供豫之好可謂有克肖祖宗之聖質退 明足以燭萬物其用足以樂金石其利博矣然設之不 見陛下即位以來早朝晏罷負展端莊淵點弗言雖在

然導之非理則暴怒悍突懷山襄陵而不勝其害也人 當則燎原野焚玉石而不勝其害也泉之始達一与之 欽定四庫全書 於昏仁者反而為暴豈其天資之固然哉設之弗當草 士游矣而邪人間之日漸月漬習與性成則明者或至 曼之聲妖淫之色足以移其耳目宫室狗馬珠王綺繡 之性何以異於是哉況夫有天下之大享四海之富靡 多爾及其至也大而為江河細而為溝灣其利博矣 之玩足以移其心志與賢人處矣而不肖者參之與正

てこう!!! シュー 臣或假於外戚或出於官寺諸侯或强大而不可制夷 其理故也自古治世少而亂世多天下之柄或移於權 皇天親有德饗有道其齒可謂諄諄矣故以成王中材 之主而能持盈守成卒為賢君者設之得其當尊之適 作七月之詩召康公作公劉以戒民事又作泂酌以言 禹之為君而其戒見於五子之歌以武王之為君而太 保作旅奏以訓至於成王而訓戒盖詳周公作無逸又 之非理故也故以舜之為君而禹告以無若丹朱傲以 歷代名臣奏議

或專於殭藩悍将而縣官不能有也百里之長或專殺 六聖相傅以至陛下言其德則光大言其業則富有言 食制兵與賦皆得其要刑罰清平又前世之所未有也 寺供掃洒而已州縣之勢如臂使指夷狄引首待我衣 而司冠不能治也有一於此人主雖有特起之資欲治 平百有餘年政出於一羣臣奉法遵職外戚奉朝請官 之志而其勢不能以大有為此古今之通患也本朝承 狄或驕慢而不可屈兵或恣睢而不可使海内之賦入

多定匹庫全書

之事也姦聲亂色不留於聰明淫樂愿禮不接於心術 無以知人也臣請為陛下言之夫所謂禮非制度文為 不立人非言不知也孔子曰不知禮無以立也不知言 易矣何以言之君道莫難於立已莫難於知人己非禮 之誠心引而達之廣而大之欲王則王欲帝則帝惟陛 其勢則便利陛下又有克肖祖宗之聖質有急於問學 下之所嚮而已孔子曰為君難知為君之難固有時而

こくこう シュー・

非正勿視也非正勿聽也非正勿言也非正勿動也視

歷代名臣奏議

多定四庫全書 無所施而不當矣孔子曰一日克已復禮天下歸仁馬 施於事親則孝施於兄弟則順施於族姻則睦施於郊 之習無自而入內有以正其心外有以正其行夫然故 亦多端矣有辯有納有華有質有是而非有迂而直不 聽言動由於禮則內之非僻之思無自而生外之非僻 可不察也非獨如此人主必有好惡之心有是非之心 其守豈不約其效豈不博哉至於知言其事尤難盖言 廟則敬施於朝廷則莊施於治民則仁施於軍旅則威

幸反此則小人必将逢其所好避其所惡於其所是諱 言入好甲近則邇言至好刑名則慘刻之說進好功利 所好者正所惡者邪以忠為是以传為非則固善矣不 順强其所多君所謂可而有否馬必獻其否以成其可 之賢異者謂之愚而君子雜處小人之間方且逆其所 則與作之謀用上以此求於下下以此應於上同者謂 君所謂否而有可馬必獻其可以替其否如是而君不 其所非以售其姦言以行其私説故人主好髙遠則竅 歷七 名臣奏義

欽定四庫全書 著明哉伏惟陛下有克肖祖宗之聖賞有急於問學之 道消小人道長此治亂安危之所以分也治亂安危所 一誠心宜其於行不勉而中於言不思而得然臣猶倦倦 察馬則小人日親君子日陳小人日進君子日退君子 倫則致治幾於太平齊威公不聽管仲而進易牙符堅 分在於聽言之際豈不可畏也哉故漢文帝聽張釋之 不聽王猛而信慕容垂則旋踵而敗亡其效豈不深切 而退嗇夫則風俗至於篤厚唐太宗聽魏鄭公而維封

遠之而勿親直諒多聞親之而勿遠動容周旋唯禮之 觀物則為物所引而欲必至於敗度縱必至於敗禮尚 以是為獻者益天下之物接於我者無窮而不能以道 言則為言所蔽而浸潤之醬膚受之愬無所不行尚何 勿為也左右前後凡可以蕩心之物勿近也便僻側媚 之制不通聲色不殖貨利出入起居凡所以害德之事 以知人哉臣愚願陛下及此春秋方富血氣未定早為 何以立己哉天下之言接於我者無窮而不能以道觀 歷代名主奏義

號治安然內則忠邪雜樣是非紛亂士節不屬奉公守一 **釤定匹庫全書** 不難矣有以知人推之以修政事不難矣方今海内雖 者知其人之躁辭将者知其誣善辭枝者知其心疑以 言逆于心必求諸道有言遜于志必求諸非道使姦言 從則已無不立矣無作好惡無作聰明使人不能窺有 知其所窮則人無不知矣有以立己充而至於美風俗 至被辭知其所敬淫辭知其所陷邪辭知其所離通辭 不得入虚心廣覽以揆衆論辭寡者知其人之吉辭多 _____

PROPER LIAN 此正已以先之得人而任之力行以人馴致以漸則豈 姦完所在竊發政事未可謂修也陛下誠能早留意於 成者常少恩信未孚而夷狄之侵侮者尚多以至寇賊 書日下而百姓之力未裕也是故和風未治而歲之順 也朝廷上下紀綱不肅百司庶務類多文具官不勝其 義者寡而交私合黨者多外則争訟盜殺法不勝姦歲 兄而未有以草財不足於用而未有以制哀矜惻隱之 論大辟五千餘人祖宗以來未常如此風俗未可謂美 歴代名臣奏議

美政事不修未之聞也捨是而不務則接物而不能無 貴者不能自克况其賤者哉近者且猶弗治況其遠者 嚴之者多如是則風俗愈入於薄惡政事愈入於弛壞 質而敗之者衆聽言而惡則雖有急於問學之誠心而 累聽言而不能不感接物而累則雖有克肖祖宗之聖 之遠抱關擊析之賤亦皆獨方而宿業矣如是風俗不 惟卿士大夫相化以義哉弱牧之微神販之陋可使忠 多定四库全書 厚而知恥矣豈惟朝廷之上百工得其職哉海隅障塞 卷二

之而已惟陛下留意母忽則天下幸甚 次已日年在台 堂夷貊之允懷抑又難矣臣愚故曰陛下有克肖祖宗 哉非獨如此人事不立而望天道之助順中國不尊而 罔思而不學則殆陛下欲至此非他學以求之思以精 書曰惟聖問念作在惟狂克念作聖傅曰學而不思則 勤而為析愈疎雖日接多士日求讀言而於道無補也 今日之所務也不然則用心雖勞而去道愈遠用力雖 之聖質有急於問學之誠心則引而達之廣而大之正 歷代名臣奏議

子曰君仁莫不仁君義莫不義君正莫不正一正君而 以古之明王欲治天下先正其本其本在於人君一心 先恭惟祖宗受天命百三十年自三代以來未有承平 金月口屋石雪 而已天下治亂出於君心君心一正則萬事無不正孟 如此之人界聖基業付界子孫成之至難壞之至易是 夙夜不遑寧處深思天下之事自非大者遠者未之敢 四年右諫議大夫范祖禹上宣仁皇后乞先正君心疏 曰臣家陛下擢受諫職才力淺薄懼不克勝受命以來

沙芝四車全書 人 人 人名日奏議 皇帝陛下聖心曉然明於邪正是非他日衆說不能感 疾苦羣臣之邪正政事之得失説谕皇帝存之於心若 皇太后陛下日以祖宗之艱難治天下之勤勞萬民之 |言責不敢忘此竊惟天下之本在於君心臣愚伏望太 小人不能進則萬事定矣臣竊熟思莫大於此惟陛下 治亂之際未當不反覆開陳伏計陛下聞之已熟今有 經遊因進講每及人君正心修身之要君子小人繁於 國定矣易曰正其本萬事理差之毫釐失之十里臣侍 為官常語言為職業下無所見其能否上無所考其幽 七年端明殿學士無翰林侍讀學士守禮部尚書蘇軾 及殘年少施實效而有志莫遂負愧何言今乃以文字 也以及民為心而熟尸禄乃者屢請治郡無乞守邊欲 深留聖意以幸天下 上奏曰臣聞始之學也以適用為本而耻空言故其仕

孔子曰一言可以與那而孟子曰一言正君而國定昔

明循省初心有靦面目故於拜恩之日少陳有益之言

談伯言義而不言利八年之間指陳文理何啻千萬雖 所論不同然其要不出六事一曰慈二曰儉三曰勤四 漢文帝院張釋之長者之言則以德化民輔成刑措之 謂約己省費不傷民財勤者謂躬親庶政不適聲色謹 功孝景入晁錯數術之語則以智風物馴致七國之禍 曰謹五曰誠六曰明慈者謂好生惡殺不喜兵刑儉者 来學如不及問道八年寒暑不廢講讀之官談王而不 乃知為國安危之本只在聽言得失之間陛下即位以

大三日日日 1

歷代名臣奏議

芜

為尸素死有餘誅伏願陛下一覽臣言少留聖意天下 誦五車之書反不如醫卜執技之流簿書奔走之吏其 禽之聲秋蟲之鳴過耳而已則臣等雖以三尺之喙日 補於世若陛下聽而不受受而不信信而不行如聞春 生之常談言無新奇人所忽易譬之飲膳如服樂石則 天人自應福禄難量而臣等所學先王之道亦不為無 者謂畏天法祖不輕人言誠者謂推心待下不用智數 明者謂專信君子不雜小人此六者皆先王之陳迹老

金なせんとう

幸甚 徽宗即位初指宗将科廟中青索省中書畫甚急秘書

無逸所陳是也漢之與唐四十餘君賢而可紀者三君 宗舊勞于外作其即位不敢荒寧事國外長為後王法 索不已播之于外懼損聖德陛下践祚如日初升當講 及韓宗武言先帝 科廟陛下哀慕方深而丹青之玩取 殿中侍御史陳瓘之觀無逸及漢唐事曰臣聞商之高 劇典訓開廣聖學好玩易志正古人所戒也

文三日·al たいう 歴代名臣奏議

養聖德亦如高宗舊勞于外春秋鼎盛歷數在躬亦如 今不忘鑑戒此其所以為賢也恭惟陛下久處潜藩充 之臧否耳聞目見皆得其實後雖深處九重而考往驗 莫有及馬此三君者方其在外之時斯民之利病朝政 年十有八舉兵除亂又數年而有天下後世納諫之主 八興於民間而有天下後世勵精之主莫有及馬太宗 代邸而有天下後世恭儉之主莫有及馬宣帝年十有 而已漢之文宣唐之太宗是也文帝年二十有三来自

金月日月五十

大小り車とから 寒暑之變或霜或雨在我而已運而無積歲功乃成故 不變乾之用九人主之道變其往事無所不可如上天 變不可守一節也坤之用六人臣之職一吐其言終身 人君如天人臣如四時故臣宜守節不可變也君當制 瓘又奏曰臣聞四時各守一節天道無節也有變而已 臣愚願有稽馬 太宗之事盖有燦然可觀者矣神考所謂吾無問然者 三君自外而入置無逸於座右採唐漢之所長則文宣 歷代名臣奏議

志為先然弱於富貴逸樂敬於話諛順適則志隨以喪 徽宗時起居郎周常上言自古求治之主未嘗不以尚 之節人主之變不可不辯也 為節而敢變神考之事其理乖倒可謂甚矣然則人臣 考變之故人主之權不分于下給聖大臣以不改安石 為主道主道可變也臣道不可變也王安石守其節神 金月巴尼白書 曰王省惟歲豈與四時同守一節而已哉盖以天言之 則四時分守合而成歲功以人言之則臣下執節變而

棄 大小規模各不同然必自以治其心者始全國勢有安 改容嘉聽 陛下清心省欲以室禍亂之原遂請罷錢塘製造局帝 遂昌令張根為帝言人言一日萬幾所恃者是心耳一 議禮武選編修官葉夢得名對言自古帝王為治廣狭 累於物則聰明智應且耗賢不肖混淆綱紀不振矣願 不可不戒元祐法度互有得失人才各有所長不可偏

PEDEL SIMIN

歷代名臣奏議

之德而其道不可屈柔順者臣之常而其分不可亢的 侍御史黃葆光上奏曰君尊如天臣早如地剛健者君 金になったとうで 則是犯分非所以尊君也帝感悟命近臣讀其奏於殿 致屈以求合則是傷仁非所以取下也尚橋亢以求伸 危法度有利害人材有邪正民情有休戚四者治之本 功乎上異其言特遷祠部郎 謂安危利害邪正休戚者未嘗不顛倒易位而況求其 也若不先治其心或誘之以貨利或陷之以聲色則所

2.10.10.1 者以善斷故也捨己而從人可謂仁而謀矣不編物而 知其孰守十年九牧莫知其孰從在朝之臣盈廷之議 左司諫江公望乞攬權斷上奏曰臣竊以一池四監未 急先務可謂智而謀矣不資於仁智未有能勇者也非 牧而有四罪之誅後世不以仁智為不足而以勇稱舜 與斷仁智勇天下達德操大物者其可忽諸不咨於岳 未知其熟是非仁不足與謀非智不足與明非勇不足 胜代名臣奏儀

一金厅四库全書 飲三酒凡中皆輔馬天子諸侯於明堂其負必於康馬 矣先王知其然也故以衣服器用著以法象俾朝暮起 是傳之湯故代桀而斷之以今朕必往湯以是傳之周 | 勇未有能斷者也非斷未有能成天下之務者也舜以 居見而知之故天子之服十二章而黼居一馬王之四 子其於少正卯疑若無顯過也斷之以七日之必誅書 曰惟克果斷乃罔後艱信乎當斷不斷其蹈後艱也必 公故誅二叔而斷之以從十夫之指周公以是傅之孔

之以為法象其意亦深矣施之於服用之間雖不以言 矣以潛却之所聞陳于前以臨御之所知操驗於後深 其丁寧告戒亦至矣此君天下所當蚕聞也昔高宗舊 黼之為斧如以其有則斷之才遇物必決遇理必斷取 御以来日見羣臣日聞與議躬攬天下之事不為不衆 民間疾苦以至於人臣之忠侯當熟聞而周知矣及臨 故能知問問姦邪吏治得失陛下在潜邸時天下利病 勞于外故能知小人之情漢宣帝上下諸陵周遍三輔

言宿於心不以未信逐告之言拒於耳從善有走阪之 **欽定四庫全書** 易去伎無枝山之難决事如析薪從理如破份本在上 籌静計精閱詳講無一不宜故獨斷之權正在今日此 人以轉者也以要與臣是猶振干孤之表而不得領以 臣所以汲及為陛下道實機會之不可失也伏望陛下 綱界人而欲舉萬目之網者也不太陳哉箕子曰惟辟 末在下要在君詳在臣若以本付下無異持太阿而付 不牵於左右之論不膠於衆多之口不以先入已信之 卷二名日多司

藝優柔不断天下機務浸弛矣伏皇陛下以仁智勇行 帝不知出此以柔仁草法吏持刑太深之弊而牵制文 大舜成湯周孔之事以優柔牽制鑑漢元帝之失於衣 芒刃嬰髋髀而取匈不以梁肉理疾而丧人之驅漢元 利器濟之以必行之斷龍見而雷聲風行而大馳不以 示人此言本必在上要必在君也伏望陛下攬威福持 作福惟辟作威老聃曰魚不可脱於淵國之利器不以 服器用之間深思黼之為義朝夕起居未當急忽雖萬 :: : 歷代名臣奏議 弄

機之叢湊日進于前不足治也黄帝日日中必羡慕力 必割以言乘機會之不可緩如此伏望陛下少留神 **金字四庫全書** 者有心為之君而命令之也心之為心亦大矣世之論 貴能賤能與能奪能生能死其所以貴賤與奪生死之 萬物莫知所以然而然者有心為之宰而制割之也能 聽能味能臭有心為之官而管攝之也後使羣動鼓舞 公望又進心說曰耳目口鼻之不相亂其所以能視能 者莫得其旨以時求心而心非時之可求所謂出入無

乎百千萬世之已去後乎百千萬世之未來不離乎方 枸於天下能不拘拘於天下然後應天下而有餘裕前 能忘天下然後能得天下而若固有惟縱心故能不拘 賢人勿喪心聖人縱心至人無心惟無心故能忘天下 所謂無思無為寂然不動感而遂通者是也衆人放心 謂不在内外中間者是也以用求心而心非用之獨得 天潛地而地者是也以體求心而心非一體之可見所 時者是也以處求心而心非一處之可得所謂潛天而 歴七名至奏義 F

一欽定四庫全書 前乎百千萬世之已去後乎百千萬世之未來同一時 克念作聖一念聖則全體是聖惟聖問念作在一念在 後之視今亦猶今之視昔故人君之運心動念其可不 也是以日新之德則念念故矣罔念之在則心心新矣 則全體是在惟在與聖只一念間爾一念瞥起之心與 得暫去之蹤述方生方滅之間亦了然無所倚薄惟 今之一念此一念心直下研究不見後起之端 便亦不 爾盖由念起念自心生心一心無二心故一時無二時

六合之内聖人論而不議六合之外聖人存而不論論 其為感格則至矣而未免彼鹽我界之有所也莊周曰 漸于海西被于流沙朔南壁聲教文王之化自北而南 亦非空同一真境爾堯之光被四表格于上下禹之東 之中如大海之一溫溫緣風激空自妄生妄本無妄虚 克謹耶四方萬里以為遠矣而不思四方萬里之外果 亦非空空既非空則四方萬里亦非物也物亦非物空 何物耶以為虚空則虚空之外後何物耶空生於覺心 フ・うし ここう 壁代名臣奏議 亖

地為一别有理有性者乎理不異性性不異心同一體 萬法而不為有餘故推恩足以保四海未足多也則人 會四海於一堂之上何足道也心遠境亦遠偏一塵於 處心境的然心通境亦通攝萬法於一塵不為不足故 而不議猶在理也存而不論則心存而言絕矣言絕之 異觀之肝膽甚遠的無好惡親缺者乎自其同觀之天 無知有性而無別無知則無好惡無別則無親陳自其 君置心之處其可自狭耶草木有理蟲魚有性有理而

欽定匹庫全書

人工日面 白土 知無別非此心實偏於其間者何因而然況又其類自 賴祭天葵董向陽蜂蟻之有君臣喬梓之有父子雖無 況掩羣而畋竭澤而漁重山樹林暴珍不以時者哉豺 李以為無別而困之以羅網可乎葉頭節尾毛端介末 之甚微一草木之體葉頭節尾之至細尚不忍傷其生 飛一踏吾心之性實具馬以為無知而天之以斤斧可 理無不具性無不存心無不在一蟲魚之身毛端介末 爾一草一木一祭一謝吾心之理實在焉一蟲一魚 歷代名臣奏議 兲

刑政並行九重淵嘿龍見而雷聲四方赫怒水凝而 知此故能任六子之力而收天下之成功斡四時之 而總一歲之能事雷風疾驅而號令於缺雨霜時至而 牛與夫堯舜禹湯之治天下者同一心之妙用也人君 **拔山者同一心之力用也工伍之削輪扁之斷庖丁之** 烏可不知此心之全體耶毙之丸蟻之粒與夫承期貫 風者同一心之巧用也螳螂之斧珍難之羽與夫扛鼎 有相質相使相制相用之妙理人不得而知者為人君 卷二 樞

金万四月月

考之心即一祖五宗之心一祖五宗之心即堯舜三代 義所在可謂達用心之時矣陛下之心即神考之心神 来為政取人無彼時此時之間損益惟時之宜用捨惟 此為人君者馬可不知此心之妙用也耶陛下踐作以 此其感亦然易曰咸速也唯無心故能感人心之速如 四方上下莫能禦用之通則瞬揚眉睫之不及其用如 止用於大天地不能圍用於小毫毛不能位用之遠則

之心心同則念同念同則時同時同則治同念是雖惡

なとうっているという

畫夜之道而知記曰大時不齊能知古今治亂之不齊 以禁紂幽厲為念以禁討幽厲為念即當以齊宣王舉 當以堯舜三代之君為念以堯舜三代之君為念即當 神考為念即當以一祖五宗為念以一祖五宗為念即 心動念處為念充此一念則仁不可勝用矣易曰通子 **棘孟子以為是心足以王矣念是雖惡亦善矣陛下以** 雖善亦惡矣齊宣王之心未必皆善也不忍一牛之散 亦是念非雖善亦非桀紂幽厲之心未必皆惡也念非

多定匹库全書

今日之不齊而求合於昔之齊者哉陛下論心之時貴 物則物亦不以大小望於陛下天下孰有争者哉舜陶 土寸天無以異於九夷八蠻之中陛下不以大小望於 域則大小之勢平矣八荒之外無以異於仄足之下尺 屬部陛下不以戲國為小大小見於畛域陛下心無畛 通此也守新邊之城堡陛下不以廣土為大棄湟都之 不知也能通乎畫夜之為一此所以為大時又奚必以 然後能齊古今治亂不齊之理非通乎畫夜之為一者

たこのら たまっ

歷代名臣奏議

矣彼安則我安安而不去即我守也如是則豈獨守在 有土置君以安之也被之土安於民矣彼之民安於君 足矣心若不足無時而足故漢武甘心於大宛唐太宗 金分四月石書 銳意於高麗行不足守民力疲矣心不足之過也有民 服事商無心於大而人不於也隨心而足陛下今不啻 留而人不釋也太王居郊狄人侵之去之岐山之下而 於河濱一年而成聚二年而成邑三年而成都無心於 居馬無心於去而人不置也文王三分天下有其二猶

大心の自己は 禁不賤於動物矣可謂知心之全體也禹見罪人而泣 必得生其仁於人之生者如此已死之骨埋掩有祭其 使者賑貸賙恤無所不至垂死之囚刑可疑情可於請 無二處也陛下論置心之處貴踐此也陛下於鰥寡孤 仁於死者如此燒田野有令不輕於植物美殺牛馬有 獨常時有養疲癃老疾冬賜之栗一有凶荒水旱分遣 口堯舜之人皆以堯舜之心為心今寡人為 君百姓各 四夷在在處處皆為陛下守矣蓋一心無二心故一處 歷代名臣奏議

金分口月白電 他人之心可忖度者其體同也本同而自異此禹所以 然也若曰道化仁徳此其大略也惟知心之同體然後 痛之也禹痛百姓之心異而臣痛有天下者以萬物之 自以其心為心是以痛之也詩曰他人有心予忖度之 能該能編能感能格陛下以禹之心思百姓以堯文王 異鳳凰來儀百獸率舞竟之德也敦彼行董牛羊勿踐 履文王之仁也鳥獸草木何知而堯與文王何治而致 之心及鳥獸草木則一人向隅陛下為之不樂也一並

高且遠矣其應陛下如響陛下以儉德率民故民日用 早乾為災夕祝而朝雨以日蝕為變畫祈而午晦天固 何也陛下心即天心天心即民心是以一言之出足以 愀然如身被其辱民固愚且下其應陛下也如神其故 不及者數然若親被其澤以不忍之心行刑刑不當者 而加富以侈心用民故民日勤而加匮以公心行賞賞 二體故一心無二心陛下論心之體當知此也陛下以 木一蟲一魚 取非其時陛下為之不忍也由一體無

大巴马里在的 一

歷代名臣奏議

無遺理陛下審是非以養公則言之逆遜無所逃也寡 守不正則不足與行擾擾萬緒静有餘應紛紛羣言公 金月口月石里 虚不虚則不明不可不實不實則不誠不方則不足與 之以盡神心之妙用其神如此可不素養耶心不可不 有道也易曰神也者妙萬物而為言者也又曰鼓之舞 而不敢為陛下隱幽图之間天地所不聞而不敢為陛 風四方一行之見足以表萬世部屋之下日月所不照 下冤陛下非親臨之也高拱深嚴所以鼓舞天下者盖

持太阿而一介無敢與望以之為政故日新而人不倦 誠外通虚以静養故純白內含養之不匱擴之則彌淌 人知總美致剛健以養方則事知制矣實以虚養故精 以之設教故神化而人不知陛下論心之用當契此也 思慮以養静則事之變態不足多也端好惡以養正則 上昭昭然以為妙道之行會無異於鼓井淖以議東海 心之首如此其廣且大彼格於形骸之內見於肝膈之 天地掃之則不見蹤跡手提神器而萬夫不敢睥睨鐏

一次定四重全書 一

歷代名臣奏議

里

知也 言道也臣所知説本無説心亦非心道果在乎臣不敢 必欲豐功偉蹟超然度越於百王之上當出自智襟無 獻於其父臣莫不獻於其君以道為果不可獻也周所 賜聞宴一過春目臣願畢矣莊周曰使道可獻子莫不 膠於一偏之論無蹈於已陳之迹故臣敢以心說獻願 坐蚊睫而笑九萬之圖南也陛下紹述先烈可謂孝矣 公望又奏曰臣願君為堯舜莫不皆然未會進以為堯

下之動雖萬變而常静静為動君虚為實主君主得於 故天下之務雖沓至而常虚守静以觀天下之動故天 盖亦有道馬道者何虚與静而已致虚以應天下之務 至甲之分別尊甲既位名分定矣然行乎名分之兩問 道不敢陳於王前若軻者庶矣乎夫天無為而在上地 無為而在下天地所以不息者乾坤默運之而已堯舜 取諸乾垂衣在上故至尊之勢隆取諸坤垂裳在下故 舜之道者孟軻曰責難於君謂之恭又曰我非免舜之

一飲定四車全書一

歷代名臣奏議

為群天下幸甚 坐視夫民之阜者也臣有志於軻之為臣陛下勿以難 文景之治乎自古未有不知道而能斡旋天下於掌握 此道也有志乎二帝猶不能與三王並駕沉區區下為 寡欲以養心故心常虚而疏通端意以寧神故神常静 自然之運豈弊弊馬以事為哉堯之無名舜之無為用 而淵然道之所集理之所會雖一日二日萬幾若乾坤 此天下皆吾役矣此所以垂衣裳而治也臣伏願陛下 微矣陛下聖躬誕降於靖和皇后母儀天下之初載此 人君之重事以不得其正而春秋削之端本正始之義 承國於君親則不得其正故會隱公不書即位夫即位 未當受誓為世子則不得其正故魯莊公不書即位不 居者天下莫不心悦誠服無所待於號令而歸馬者也 不書即位以少先長則不得其正故魯関公不書即位 自古人君多自旁支入繼大統則不得其正故魯僖公 欽宗時起居即胡安國上奏曰春秋大居正凡得正而

次已日日十七日 一

歷代名日奏談

2

治以終餘生冀得無憾此臣所謂天下莫不心悦誠服 命而戴白父老相與扶杖傾耳拭目延政嘉祐至和之 皆得自專此四正也履此四正而又有温恭之德有儉 拱當極而四方盜賊莫不鳥棲覓伏解甲以聽朝廷之 約之行有憂勤願治之誠有好謀納諫之善故一日端 正也躬受內禪自道教一門之外殺生除拜軍國大事 東宫備物典策告于宗廟係天下之望十有餘年此三 正也上皇三十四王而陛下為之長此二正也建號

チグロルノニ

或暗而不明或柔而不斷或疑忌而不寬則人得取而 有之矣是故大居正者道之常春秋之正例也或與或 櫟遂與其爵而不貶何也已雖得正而無君德以居主 失國出奔則直書其名得國復歸則又絕其位屬公入 之所未至者以為忠春秋大居正如鄭昭公亦正矣然 名之臣不稱頌其君之所已能者以為传必勉進其君 於其所已能者以自驕必求進其所未至者以自益不 無所待於號令而歸馬之明效也惟昔有為之君不敢

せつういまはない

欽定四庫全書 高宗立御史中丞許景衛乞修德劉子曰臣聞堯以天 之基業可以長守而勿墜矣 奪者道之中春秋之變例也明莫先於知人斷莫勇於 思所以强中國思所以攘夷狄其說雖多然其大要則 連而陛下纂臨大寶適當此時非止堯之所以為憂也 美履四正而又進於三德則眾海可保夷狄可服祖宗 任賢而去伎霓莫大於藏疾而納度外之讐陛下具四 下為愛不以位為樂也今中國勢弱敵人暴横二聖播

書曰孝乎惟孝友于兄弟此皆修徳之要也而以至誠 之念未嘗不在茲也孔子曰言忠信行篤敬雖蠻貊之 必在茲一賞一罰念必在茲以至於出入起居雖斯須 在言動則未必慎在號令則未必信在賞罰則未必當 邦行矣夫如是則中國之安强可冀而二聖之來歸有 不息為本故在陛下一話一言念必在沒一號一令念 日矣不然則念不在茲而誠意怠矣是以位為樂也故 臣弋名至奏義 716

在陛下修徳而已記曰為人君止於仁為人子止於孝

一 欽定匹庫全書 始終不倦則何為而不成何求而不獲耶自古帝王憂 淹速乃在陛下一念之間耳臣愚伏望陛下戒之慎之 言而況於陛下乎然則今日中國之安危二聖歸期之 盗賊未消而敵人未服如是則中國之安强未可冀而 願望如此而臣愚不敢不盡言惟唇明采擇 深責重未有甚於陛下者則為陛下計宜何如哉天下 二聖之來歸未有期也天下之愚夫愚婦尚不忍聞此 歷代名臣奏議卷二

佑于一 夏先后方懋厥德罔有天災山川鬼神亦莫不寧暨鳥 之已日早上日 · 宋高宗建炎元年尚書右僕射李綱上奏曰臣聞昔有 欽定四庫全書 ,魚鼈成若而伊尹之稱商則曰非天私找有商惟 歴代名臣奏議卷三 君德 德非商求于下民惟民歸于一德帝王之所 歷代名丘奏說 明 楊士奇等 撰

如文王之憂勤一怒而安天下之民如武王之果毅 儉遠聲色遺貨利以法成湯之明至於日昃不遑暇 心去就之際伏望陛下日新盛德以感動之體堯之仁 為神民萬物主者仰以動天俯以感民非德何以哉 以覆民躬舜之智以察物里宫室非飲食以法大禹之 今國家新罹敵人之禍百度多廢四方未寧乃天意民 金好区屋台書 大度同漢高祖之用人聽言如流同唐太宗之 小善為無益而弗為勿以小界為無傷而弗去 1 納諫

甚 德是輔又曰民罔常懷懷于有仁傳曰應天以實不 兄之辱而欲見之於美牆出於至誠悠久不息則天意 くこしり ここり 君莫不内剛以立事外孫以待下內剛所以堅在已之 年觀文殿學士張淡上奏曰臣竊惟自昔大有為 心自然感動以圖中與有不難也書曰皇天無親 動人以行不以言臣願陛下特留聖意天下不勝 壁代名臣矣说

日新而又新思宗社之危而不忘之於寤寐念父

無自而與矣豈獨文王少康為然哉漢高祖先入關 徳 之聖人未嘗不以此持身者是以文王拘於美里而 在乾 志 畜則曰剛健篤實輝光日新其德以言人君之自養古 多灰四库全書 向使文王以被辱為盖少康懷退縮之志則二王之 息其意以謂人君之德要當抗以剛大持以至誠是 外孫所以來天下之賢易曰天行健君子以自强 日修少康有田一成有聚一 則以剛健中正純粹精也以象人君之七德在 旅而夏后氏之基復 振 王

時鴻門之會僅以身免其後屢戰屢敗事幾可笑太公 基承人心推戴之業上天昭格春佑顯然以陛下英斷 吕后為質敵人而高祖之氣未當少屈終能滅項氏而 於懷王之約當王全泰之地項氏不義肆行威劫當是 壞積有歲年天其或者俾陛下一變舊風重致治效是 有天下此亦內剛以立志之效也陛下繼祖宗積累之 火足四事全島 以敵人侵突無歳無之而生氏轉徙比昔尤甚天意亦 資仁儉之德何求而不得何為而不成顧惟風俗之 歷代名臣奏議

祖宗委寄之重下念生靈繁望之深自然動靜之間 志守以恬淡持以戒謹無使陰陽之冠或至傷和上念 之至於飲食之奉起居之養喜怒之節願陛下以道寧 者國常亡然後知生於憂患而死於安樂也願陛下勉 然後能改困於心衡於慮而後有作出則無敵國外患 將降大任於是人也必先苦其心志勞其筋骨餓其體 膚空之其身所以動心忍性增益其所不能人常有過 欲以堅陛下有為之志啓下民願治之心也孟子曰天

U

ノニーで

聖皇帝他日治止之所未蒙降古臣聞有子曰孝悌也 臣與天下不勝幸甚 之所感激者已不覺涕泗交流矣願陛下無怨於須史 建炎間開封尹宗澤上奏曰臣昨奏乞脩寶録宮為淵 至非養臣言狂切幾至犯分然區區具述至此其中 決定四車全書 · 矣恭惟陛下孝於道君則天下莫不愛其親陛下悌於 淵聖則天下莫不欽其兄是知上有所好則下必有甚 者其為仁之本與知孝悌則不犯上不犯上則天下治 姓代名臣灰武

馬者矣此所謂以身教者也臣竊見隆德宫面勢暈飛 極密院編修官胡銓上奏曰臣編聞近日中外泊泊之 使天下知陛下悌於兄也推而行之薄海内外父父子 未有涖止之處臣欲乞將實錄宮改建以為迎奉之地 孔安如舊将來迎奉道君皇帝自可臨御願陛下預物 如紫俞允伏望斷自淵東御前處分行下付臣施 有司酒掃嚴潔使天下知陛下孝於父淵聖將來還歸 金グロ 凡兄弟弟黎民不時雅而萬國不咸寧者未之有也 N

當不反復太息歎其切於治體也方楚靈為封豕長蛇 也臣皆讀春秋至曾昭四年晉司馬侯對平公之言未 未善也彼謂外敵方强而吾兵力不敵者非善觇國者 雖弱未害也德尚不修而惟兵是急惟民是殘兵雖强 魏文侯恃山河之固吳起對以在德不在險楚子問鼎 議皆以外敵方强吾兵力不敵為患臣竊以為不然昔 次足四車全等 以謂在德不在兵夫誠能修德以結民心以固吾圉兵 大小輕重王孫滿對以在德不在服今日之事臣 歷代名臣奏説

言聖人復起無以加毫末於此矣臣於今日亦云區區 之况諸侯乎若適淫虐楚將棄之吾又誰與爭美哉斯 與爭君其許之而修德以待其歸若歸於德吾猶將事 未可知也其使能終亦未可知也晉楚唯天所相不 **荐食上國使椒舉如晉求諸侯晉侯欲勿許司馬侯曰** 不可楚王方侈天或者欲逞其心以厚其毒而降之罚 丘 論持勝疏口臣聞有道之主能持勝自古賢君良 如此惟陛下裁幸 月と言 可

臣更相敢戒未當不以戰為危事然而居危思安之 **久已日年上島** 同盟滅敢不於乎吾自懼也蕭魚之役魏絳難之則曰 至之無日又曰紂之百克而卒無後城濮之役重耳病 悼之蕭魚此戰而勝也然克庸之役楚人危之則曰 秋之事明之楚子之克庸重耳之城濮泰伯之王官晋 則 則曰得臣猶在憂未歌也王官之役秦伯畏之則 君安其樂而思其終是何也勝而憂也晉厲之鄙 同而居安慮危之心則異陛下留神春秋臣請以 歷代名臣奏議

甚伐晉之役晏嬰患之則曰不德而有功憂必及 侵察之役國僑憂之則曰小國無文徳而有武功 然鄢陵之役士燮危之則曰君驕侈而克敵難将 子國之侵察子耳之圍蕭齊侯之伐晉此亦戰而勝 金罗口屋名言 不亡矣勝而驕則其勝為禍故 馬圍蕭之役仲孫蔑危之則曰鄭其有災乎師 也勝而驕也勝而憂則其勝為福故曰知懼 與我已然之明效也陛下以神 口號君 為 而驟得勝 如是 君 禍 競

欽定四庫全書 是其福也其亡也以民為土於是其禍也臣愚無識 則社稷之福也抑臣聞逢滑有言國之與也視民如傷 者然勝非難持之則難願陛下以春秋為鐵而謹持之 四方相賢將良動則有功兵與以來未有如今日之勝 有必亡之勢中國有必與之理夫好戰必亡失其故 興二年進士張九成對策略曰禍亂之作天所以 此規惟陛下憐其區區之心而少賜容馬 人也願陛下以剛大為心無以驚憂自沮臣觀金 艮三 歷代名臣奏議

温夏不得清昏無所定晨無所省感時遇物悽惋於心 卷之人皆知有父兄妻子之樂陛下貴為天子冬不 狄點雖經管有同兒戲何足慮哉前世中與之主大抵 必亡人心不服必亡金皆有馬劉豫背叛君親委身夷 年右正言陳淵上奏曰臣聞孔子之言智仁勇曰 不思所以還二聖之車乎 剛德為尚去讒節欲遠传防姦皆中與之本也今問 者則知所以修身知所以修身則知所以治人 知

其不才處之諫省若將責以言者臣井蛙之智誠不足 至為天下國家莫不以此故子思子曰智仁勇三者天 矣而獨於勇未嘗加意馬此臣所以不能無疑也何 以測知滄溟之大亦何所言然臣當讀中庸之書竊窺 三者之古求所以合乎聖徳者以謂陛下仁智則有餘 下之達您也所以行之者一也無所不達而行之不 以 則於斯三者莫知所先後矣臣至愚甚陋陛下不知

以治人則知所以治天下國家矣夫自修身治人以

於定四軍全書 學

胜代名臣奏議

事小莫若湯之於葛文王之於昆夷以小事大莫若 待之而後安四海依之以為命其又可略即昔者以大 不愛而能克巴以消兵仁之至也乃若 操至權以點運幹萬化於不測夫是之謂真勇神 謂也如天之行健終古不息如水之攻堅强莫之 之陛下無所不知而能行其所無事智之至也無 弱 於獯駕勾踐之於吳孟子盖當以是寫仁且智 則 斯於勇矣夫勇非撫劔疾視曰彼鳥敢當我 抑畏太甚而示 能

葛與昆夷哉故忘已以樂天者雖聖人之事而用兵以 觀之湯事為文王事昆夷雖曰無所不至及其十一 為陛下道至於湯文之事乃陛下之所安行者然以臣 彼其處心積慮豈有異於陛下乎如太王勾踐固不足 保民者亦王者之所不得已馬此湯之勇所以表正萬 而無敵於天下命將帥遣戍役以守衛中國亦何有於 **那文王之勇所以一怒而安天下之民也由是言之湯** 之於葛文王之於昆夷方其事之也勇已行乎其中矣

夕ごり事と時

胜代名臣奏議

者欲歸方叛者隨悔此豈人力之所能致哉天實使之 将信之而不以為備乎此臣所以通夕不寐求其說 第不露其威而已今陛下之於鄰國將不露其威乎亦 重り 也得民斯得天矣曷不觀今日河南陝右之民乎已 言矣而孔子以湯武之事為順乎天而應乎人得民 心哉臣則以謂欲知天道視民之去就而已民心歸之 不可得也或曰小役大弱役强天也順天者存吾何容 天其有不從乎湯以七十里文王以百里其强大不足 而

陛下孝悌之至通於神明凡遐方異類不可以言化而 也然則或以不校為順天或以征誅為順天其義一 理諭者固將有以感之也則兩宮之還宜有近日未還 宗開創之至勤累世持守之不易適當小雅盡廢之 謂今日之所當行也以謂天下之大宗廟社稷之重祖 好此固陛下已定之意其誰曰不然然臣之所言盖非 而陛下承之其可不為後來慮乎天命靡常事變難)問隱忍以致愛親之誠既還之後釋憾以睦鄰國之

久已日奉在野

歴代名臣奏議

t

皆有過也而萬世所法馬首知過而改之亦何足以累 來以豫立事而養之以勇庶幾萬世根本於我乎定則 安费密的諸將練兵秣馬母得輕動失信亦母恃其 豫則立不豫則廢故臣願陛下稍收異議以來天下 以天下之力過為之備以待不虞非失計也記曰凡事 言之士母或輕棄厚積錢穀以為他日糗糧之用母 天下幸甚 又奏曰臣聞古之聖賢不能無過雖周公孔子顔子

金厂口匠

子之不貳過過於心不貳之於行也故孔子之稱顏回 子之過也形之於事或不可悔則當改之於後來動之 聖賢之過二有形於事者周孔之過也有動於心者顏 徳哉故曰過而不改是謂過矣過而能改善莫大馬夫 曰有不善未嘗不知知之未皆復行也夫如是何過之 主之所宜改者心過而已心過不作而行過亦無矣顔 於心在所當克則當改之於方作故有心遇有行過人 次定四車全書 一 可名哉祖宗之設諫官盖不自以為無過使之進諫以 胜代名臣奏説

私則無過矣心有偏馬過也公而不偏則無過矣心有 時莫知其鄉者人心也而人君之在天下一日萬幾語 者宜若易改而每患於難言故心過非自知而改之 點動静之間所應多矣安能無過而居補過之職者 非禮勿動所防者心過而已蓋操則存舎則亡出入 可也孔子之語顏回曰非禮勿視非禮勿聽非禮勿 何所致力哉然臣害聞之師曰心有私為過也仁而 過也然形於事者可得而言而每患於難改動於 言 亦

常自若也如明鑑之有塵埃或去或留而鑑之體常自 炎定四事全書 不可不知也故臣願陛下所防者心過而行過自無 舜之所以帝禹湯文武之所以王以心傳心後之王者 若也於此乎知之則偏私而利將無所容矣是之為說 心也過或生馬如太空之有雲霧下起下滅而空之體 馬過也義而忘利則無過矣是三者正心也理義之 於論語之所謂仁子思之所謂誠孟子之所謂性堯 此敢緣職事軟陳所學無幾消塵有補海岳區區 歷代名臣奏議

言 高宗時御史中丞廖剛上奏曰臣聞人之言曰予無樂 ヨラ 於同而貴於和和者可否相濟之謂也言有當怒事有 **华為君惟其言而莫予違也伸尼以為斯言或可以喪** 那故人君之患其大乎好人從已若大臣惟一人之 順 執事又惟大臣之從則小大之政必至於委靡爛 惟陛下赦之 可為而後無是豈所以為天下哉故君臣上下不 切惟理之從而相臨之勢不行於其間然而治 卷三

欽定四庫全書 權中書舎人張孝祥上論曰漢文帝可謂知道也已不 幸甚 帝所以固結天下之心者在是也夫儉非難而出於誠 以我之休戚易天下故約於處已而天下以尊榮歸之 效上之德阿諛順古之風不復見於有道之朝矣天下 諸人以為善常不忘舜之所為則大臣百執事自當 不與者未之有也伏望聖慈謹察乎此舎已從人 時而萬世以盛德稱馬炎正傳裡彌於四百文 歷代名 臣奏議 さ

不在兵而軍政不可不修細柳之屯帝識其為真將 奴浸亦帖服文帝所以為强在德而不在兵也夫强固 可以懷遠不然抑末也匈奴盗邊文帝猶恐傷民不 狄之患何世無之不曰舞干羽乎文德誕數而後干 海 闥 之為難民至愚而神不可以文具化也慎夫人不出房 入盖諱兵而不用也然當文帝之時疆場無甚擾句 内而興禮義也何有昔者舜禹之世而苗民不格夷 而天下知其衣不曳地文帝亦庶乎其誠矣其於富 羽

兵也 殿中侍御史張守上劄子曰臣聞創業之艱難守文之 當饋而數然後又知文帝勤於修德猶不敢一 不易古今以為名言臣竊謂中與之君則於守文之時 日而忘

一當天下之升平無事而先王之法度可遵殆未為甚難 至於中興之時則不然独於治安上下苟玩禍難遽作 於干及百戰之餘無循於人心厭亂之後守文之君則 而行創業之事蓋為尤難何以言之創業之君則崛起 **炎定四軍全勢** 7 胜代名臣奏说

災焦勞聖心踰年於兹矣然而二聖母后尚寓沙漠 業守文誠為尤難自非人君側身修行痛自貶 祈 不容枝梧敵國方强而未衰也寇盗方起而未息也 驕 請之使 致治哉恭惟陛下 時行外治内振紀綱修法度復先王之大業比之 而責之戦財 復 項背 則敵國未 相 **匮而費益廣民力困樂天災流行** 望而平安之問初未通也兩 衰闘粤淮 體斤斤之明暴承大統念元元 右尚困 討殺則寇盗 損豈 河雞 乃

쉺

ļ

Ŀ 費倍前 欽定四庫全書 以為難易將至矣君以為易難將至矣又曰動民以 念責難於君之義不敢不盡臣子之恭也臣聞傳曰 所佑也又曰至誠感神言至誠則為神所依也有 軍士所至軟縱暴略則兵騎而不可用也府庫所 不能動至誠而無所感則聖人之言是欺後世矣 以言應天以實不以文書曰惟德動天言有德則為 倫野而天災流行臣於是時誠知其難矣又復 日則財窘而莫之繼也流亡未復而民力困 **医三** 五五 自 君

則思二 母后誰為之尊禮也要如舜之兢兢業業如湯之慄慄 則思二聖母后誰為之使令也對臣下之朝則思二聖 願陛下處宮室之安則思二聖母后穹廬毳幕之居也 享膳羞之奉則思二聖母后擅肉酪浆之味也服輕 而神天不為之助順者萬萬無此理 衣則思二聖母后窮邊絕漢之寒若也握子奪之 如大禹之非惡如文武之憂勤聖心不倦盛德 聖母后語言動作之受制於人也享嬪御之 也 日者伏開 媛 E

陛下於衛生之經少留神馬漢王吉有云俯仰屈伸 欽定四軍全書 適神此言可以行也漢枚來有云出與入輦命曰愛痿 利形進退步超以實下吐故納新以練藏專意積精 之聖 斧甘脆肥醲命曰腐腸之樂此言可戒也以陛下生 之幾洞房清官命曰寒熱之媒皓齒蛾眉命曰伐性 稷之重海守億兆之衆託命於陛下一人而已更 必深明乎此而臣猶區區以為言者出於爱君憂 提代名臣奏説 願

小失調護罷朝兩日臣下憂懼不知所云蓋以宗

廟

時歲若邊鄙之暴而根本之地盡為敵區今則属車 圖回之勞憂勤恭儉垂訓萬世陛下暴服適際艱難 守又上割子曰臣仰惟祖宗基業垂二百年積累之久 國之誠而不自知其進越惟陛下裁赦 沙漢行及三歲而一介咫尺之問尚未通也九廟播 而神主未盡奉安諸陵阻遠而松檟失於保護 江南越在一 而費出滋廣將士惰騎而無所禀畏加以苗 隅 而四方朝貢之職尚未修也二聖 財 劉 留 駐

为足口更公与 憂勤之心勉其所難即其所欲至誠不倦則磁德日 濟之略今日所恃以前存者大江之險而已若防秋之 任之伏望陛下念祖宗基業之重增修恭儉之德益勵 不過遷滴大臣誅戮將帥亦何所益禍福利害陛下實 心疾首莫效牧寧之方朝廷大臣雖勞形怀心未聞 變生於肘腋今雖宵遁而公肆剽掠浙東騷然為患未 政如虚贏之人病久變生砭劑靡及中外臣子雖 有不善而一 騎南渡則無可言者他日不幸至 歷代名臣奏説 經

行在職事官及沿江帥守監司條具守江之策以聞 陘 所遷大布之衣大帛之冠脫年兵車致十倍之衆况 為吳所敗食不加內衣不重米卒能報吳衛文公為狄 更望 慌修德不已則恢復大業亦宣甚難昔盤銘紀成湯 德曰苟日新 下為天之子動靜語默上與天通固非臣下所可 上下字信神天佑助將何往而不克哉昔越王勾踐 訓 筋大臣日以禹惜寸陰之義汲汲措置仍 日日新又日新言其修德有加而 無 擬

少世

1

聖諭 德 者大哉帝王之言也臣退竊歎仰陛下深識遠慮輩古 守又上劄子曰臣近緣奏對論及金人深入陝右伏蒙 くこフシ ,政不修賞罰失當亦由大臣導蝕近習敵欺以敗 一年致禍亂宗社危於累卵賴陛下勃興神器有屬薄 都殘破郡邑兵不用命非敗則潰自崇寧以來不 王因敢復進修德之說伏以國家自金人犯順憑陵 可者而亟行之臣言狂瞽惟陛下裁赦 謂自古人君要須有德豈有專事殺戮而能長 1.1. 歷代名至奏議

亦 獲勝提而敵巢)半暑氣未止陽微陰盛灼見 敗 天未悔 姂 河陽鄭州等處皆被焚掠雖照河涇原仰憑天威連 内 匹犀全書 妼 外延頸望治然自今春以來金人所破甚於前 均房陳蔡汝許青齊淄滩同華秦隴長安鳳翔 銳未能成尺寸之功主憂臣辱計無所出 夫以陛下留神軍政信賞必罰而世忠名 禍患毒未已而又去冬祖春雨雪過多入 河陽猶未退舎近者又聞 卷) 三1 不疑災變之 韓世忠兵 /頻必有 臣 縞 將 輙 夏 意 西 日

欽定四庫全書 因壘而降夫舞非伐叛之謀壘非決勝之計卒能服 羽而有苗格文王代崇三旬不降退修德教而復伐之 一逆命帝號于旻天負罪引悉祇事瞽瞍誕敷文德舞 王慎德四夷咸賓言德足以服四夷也昔舜之時苗民 庶幾信順獲助天人書曰無怠無荒四夷來王又曰明 社之重下念生靈之艱痛憤夷狄之恥修德以格天意 自恭惟陛下以聰明神武應天順人宗廟社稷之所為 ,四方萬里之所託命者陛下一人而已更願上思宗 胜代名臣奏議 九

約 者修德故也伏望陛下以虞舜文王嘗試之效為心寝 則 食起居二里是念屏聲色速佞人容直言恤民隱日慎 誠 行簡進故事曰魏武侯謀事而當羣臣莫能逮朝 行則人助之應天以實則天助之人助 日至誠不倦自然德威而日新率普雖遠自然心 服傳曰動民以行不以言應天以實不以文 康將何求而不得區區之愚念此至 孰 则 惟陛 用命 動 助 缅

炎定四華全島 也 吾國其幾於亡矣是以有憂色在王之所以憂而君 其之若者亡今以不較之不肖而議於朝羣臣莫能建 曰吾聞之諸侯自擇師者王自擇友者霸足已而產 有喜色何也武侯逡巡而謝曰天使夫子振寡人之過 有喜色吳起進曰今者有以楚莊王之語聞者乎武侯 曰未也莊王之語奈何起曰莊王謀事而當羣臣莫能)朝而有憂色申公巫臣曰君朝而有憂色何也莊王 Ą 歷代名臣奏議

金グログ 勝 則 其臣故屬之以國任之以事使其臣之謀乃不逮君 武侯乃以為喜是何見之相戾耶晁錯謂五霸不及 之謀反不逮君謂之無謀臣可也楚莊之所憂而魏 臣嘗謂人主之憂莫大乎國無謀臣苟無謀臣不 智不足為憂懼事變之鼎來而謀不勝應也今產 以為國矣故有為之君不以獨智先物為能而以衆 千里之外吾不如子房蓋不以不如為恥此其 臣 知其不能霸矣漢高帝當曰運籌惟幄之中 バニー 卷三 可

威德之事一皆出於聖意非羣臣所能預縉紳大夫交 權 民愛物比者将下明詔廢甲庫罷教坊減邏卒出宫女 久已日巨 白五寸 相 吏部侍即汪應辰上奏曰臣恭惟陛下清心約已仁 告語以為聖德日新天意可見惟是和戎以來諱 謀臣為人主之大憂也 然猶懼馬况其臣真其及之將誰與謀臣故以國無 王謂人莫已若者亡謂人莫已若者好自於大而 以能兼聚智屈犀策而成大功也書曰能自得師 V 胜代石臣奏議

惡寒而報其冬地不為人之惡險而 嘗竊考自告興衰撥亂之君非獨其才術勝人也要 信而陛下所以動天地通神明者亦豈有待於外哉 其未必然以臣觀之此亦無足怕者傳曰天不為人 不言幾二十年中外之人習熟見聞以為朝廷規 有修其在我之道爲漢高租入關中財物無所取婦 如此今乃一旦整筋奮厲修奉兵政小民無知或疑 之白白而易其行沉今日之事特出於民志之未 輟 其廣君子不為 模 止

常若不及表裏如一細大軍舉至誠不息真積力久發 當行人所不能為者於是節儉飲食動遵法度鄧禹吳 無所幸范增知其必有天下光武入河北馮異勸之 功者此其本也臣願陛下推今日之所以行者擴而充 之於此而敵我者懼慕我者勸則高光之所以卓然成 漢窓恂邳丹耿純劉植之徒望風慕德奔走踵至夫 九三日年 台馬 之凡無益之作其去之惟恐不盡凡利民之事其行 輝光流為潤澤則磁德大業皆在於陛下彼其 歷代名臣奏説 Ī 修

他馬善推其所為而已此亦被臣倦倦之志也 孝宗乾道三年十月汪應辰自成都召還上奏曰臣竊 言之蓋宣帝君臣之間更相做戒未嘗不在於畏天愛 府縣白四方異聞或有逆賊風雨災變郡不上相鄉 觀漢宣帝属精為治其丞相魏相數上疏及復懸切以 天道民事為言又刺禄史案事郡國及休告從家還至 紛之說復安在哉孟子曰古之人所以大過人者 而唯恐有所不知不聞其精神之會念慮之積政事

J

所設施規模所成就終於使吏稱其職民安其業非尚 恐懼修省之意治不克終以致天寶之亂崇實啓之夫 捕蝗為事其後明皇将幸東都而太室屋壞宋璟蘇與 倪若水盧懷慎謂當修德崇皆殭辭以却之專以遣使 然也唐史亦稱明皇属精政事然姚崇為相山東蝗起 請勿行以答天戒崇獨贅其行使明皇忽略災異而 有所移治亂之幾固已分於此矣恭惟陛下日致孝道 治而不知以畏天愛民為本其明必有所敬其志必

交足四事を動

胜代名臣奏説

Ī

與夫檢視不以時者皆正其罪戒慘刻之刑部羨餘 人之心未當以自足伊尹周公之言天曰難聽曰不 湖東減損常度絜嚴禱祠以導迎善氣歲或不登 :行儉德無官室苑園之娱無聲色玩好之感省覽無 詔書属下德音甚厚所謂畏天愛民之實陛下固 諸行事以幸天下矣然臣竊以天人之理無窮 租賦發倉原以販政之絕州縣水旱而奏報不以實 不遺細微延見臣下不問疎賤至於雨陽或怒則焦 可 則

廣大持之以悠久账降不違微顯如一凡言行之發刑 願陛下以聖心之所自得而聖政之所已行者擴之 已安百姓為病夫在天者常有所不敢必在已者常 信曰我不敢知以堯舜之盛而以知人安民為難以 **炎足可事全等** 賞之用大公至正無非順天理而服人心則感應召致 以為天下福者将日新又新矣孟子曰古之人所以 人者無他馬善推其所為而已臣不勝惟惟 不敢易非苟為是無退抑畏而已乃其理當然也伏 歷代名臣奏議 孟

其多內有道外 就 無實若虚何 华 故易稱紫以養正明夷以在衆若其據尊極之 由 聰 不能之人以咨所未 此太 應反為數文閣待制又進故事曰唐太宗問給 明恃才以肆則上下不通君臣道非自古滅亡 顏達云孔子稱以能問於不能以多問於寡有若 宗稱善 謂也 岩 一顏達: 無中 對口此聖人 雖實容若虚非特匹夫君德亦 能已雖多仍就寡少之人更資 教謙耳巴雖 位 能 焢 事 13

Ľ

Ji

致定四車全書 **攻板樂陽從至廣阿光武舎城楼上披輿地圖指示禹** 光武自薊至信都使馬發奔命得數千人令自将之 孝宗時權吏部尚書韓元吉進故事曰後漢書鄧禹傳 曰天下郡國如是今始乃得其一子前言以吾慮天下 其聖無冲退託委曲周密以通天下之情以無天下 臣竊惟聖人聰明睿智首出無物而不有其善不居 白切於治道太宗能嘉納之其致貞觀之治宜矣 之智此所以為聖人也孔顏達對太宗之言簡直明 歴代名臣奏説 Ţ

慕慈母古之興者在德薄厚不以大小光武悅 不足定何也禹曰方今海内殺亂人思明君猶赤子之 自畏慮已之不能取也以問於禹為禹者以他人 馬方其用兵河朔僅得一郡覩天下郡國之衆但然 臣觀光武可謂知難者也語有之君以為難易將至 之當時更始據關西亦眉青續之屬動以萬数三 一旦之勝而禹乃曰在德薄厚不以大小是 往往群聚必勸其君以為兵林馬務其事力以 一輔 論

夕己日日日子丁 澤録囚徒存鰥寒其物馮異有曰今之征伐非必略 多變故萬端盖姑欲假以歲月待其自斃也禹之 安財富充實鋒未可當盗賊群居無終日計財穀 乃以禹不能徑攻長安為疑然禹以謂亦眉新扳長 地屠城要在平定安集之耳皆禹有以簽之也後世 也故光武至邯鄲分遣官屬徇行郡縣理冤結布惠 此三代王者之佐之言伊尹吕望所以思濟斯民者 武必足以定天下欲廣其德以收天下之心爾嗟夫 歷代名臣奏談 Ī

楊萬里上奏曰臣聞人主之治天下必正其治之之主 人臣之相其君必先正其人主之主而小人敵國之 來父老以慰其謳吟思漢之心光武以元功賞之豈 固不 亦 其謀識所先後者哉今以天下之半而愿夷狄則與 地 謀而不計近功以圖之則中與為日月可冀 將自斃聖主威德日新施者厚矣群臣宜亦有禹 固已速過漢光而强敵憑陵肆擾踰五十年其勢 盡用而師行有紀降者日以干數停車住節勞 1

金少口五百章

主之有天下如富家之産也人主之有一心如富家之 骨之主也孰為用子胥之主也非吳王之心乎是故人 吳也以吳謀吳也吳信军嚭而子胥疎則先敗其用子 也非曾君之心乎越人懲於會稽而謀吳也不以越謀 傾人之國也必先敗其人主之主而已齊人懲於夾谷 有家主也今也有干金之産而其家主者博弈馬酒 而孔子行則先敗其用孔子之主也孰為用孔子之主 而謀魯也不以齊謀魯也以魯謀魯也魯以女樂罷朝 久已9月 AS 歷代名臣奏議

未有已也是皆知扶其主之家也而未知正其家之 欲扶其主之家是故枝其東而西傾富其左而右貧世 馬與不逞之奴客狎而不嚴馬則其干金之資人孰不 金岁口匠之言 也古之君繼體守文不知艱難而敗其國者臣未暇 裕也國未富而兵未强也太平之未有期而敵國外 視之為外府耶而其友之忠馬者不先正其家之主而 之君子之相其君也不過曰人材之未用也民力之未 |請言其創業之難而又自敗者隋文帝取周取陳

十五六年百戰而氣不折卒以減深其英雄何如也二 爾其賢明何如也唐莊宗與梁對壘於河上不解甲者 次 里里全等 後日之文帝後日之莊宗自敗其主而已其主敗則 滅者亦莊宗也君一君也而與亡成敗之自異也盖前 夫與隋者文帝也亡隋者亦文帝也滅深者莊宗也自 君者創業之難如此然皆身不免於禍而國不免於亡 日之文帝前日之莊宗正其主也其主正則國從而興 一百年四分五裂之天下開皇之治漢以來僅有 歷代名臣奏議 둦

矣當其感於女子嬖於伶人二君自以為無害也然女 主也勤儉割業之心一變而為逸総樂成之心主已 Ī 階於外哉亦視其人主之主如何爾今以天子之聖 之身而覆二國之祀則天下之所以治亂存亡者夫豈 子伶人之禍一發則橫潰決裂而不可救卒以殺二 仁孝而加之以典學之緝稅業如舜勤儉如禹不通 クロ 不敗乎盖二君者天下之主也二君之心者二君 如湯不盤于遊田如文王則所以正心誠意以立其 卷三 敗 明

不恃其天而盡其人不做于危而做于安今日邊事 迎上之心者道塗相傳萬幾之服毬馬稍進矣臣不 巧玩好而荡上之心者豈無以弋獵遊幸宫室臺榭而 未測者也宣無以新聲麗色而鹽上之心者宣無以伎 恩矣憂顧小紛矣外息而內給此治亂安危之所伏 致治之主者至矣臣猶首以為言者蓋聖人之防其 而後慮也漢文帝之賢與成康孰先熟後也敦朴勤 信也而不能不懼也獨不見高漸離之筑耶事宜必大 敢 而

炎定四車全書

~

歷代名臣奏試

回不 傳深求堯舜三代漢唐所以與亡之原而擇 帝之全也臣願聖天子罷毬馬之 賈山亦諫曰願少張射獵修先王之道不如此 而祭日滅二臣者所以責文帝備也非責之備 無嗜好飯獨稍 心修身日就月將聖德進矣則二帝三王之治涵養 收召天下者儒正學之臣與之 "獵猛敵" 坜 凝田或航 好射獵未損帝之賢也而實 細娱而 不 探討古今之聖經 細 圖大患可為流 娱而求聖賢之至 其中以之 則 誼 也爱 諫 賢 涕 之 H

務以內修政事外攘邊患汎掃陵廟恢復土疆為已 次**足**写取於 則 無尺寸之效可以 如是者二十有七年于兹矣而因循在英日失成亡 陛下之神明豈可謂所任盡非其人以為所由者 點江西刑獄公事朱熹上奏曰臣竊惟陛下以大 聖心而周流於天地敵國雖强其强易弱 之資奮大有為之志即位之初慷慨發情恭儉勤 以思而求其所以然之說即以為所任者非其 仰 酬聖心下態人望不審陛下亦嘗 歷代名臣奏議 弄 也 勞 非 有

志氣當立矣然且若是何耶臣誠愚賤竊為陛下感之 故當反覆而思之無乃無閒蠖濩之中虚明應物之 其根是以雖以一念之頃而公私邪正是非得失之 有未純是以為善常不能充其量人欲有未盡是以 不定則陛下之規模當定矣以為志氣不立則陛下之 其道則陛下之仁聖豈可謂所由盡非其道以為規 謂天理者有未純所謂人欲者有未盡而然欺天 不能去其根為善而不能充其量除惡而不能 地 理

まり

1:1

卷三

くこり ヨ とたす 類 愛養生靈之財力而或未免於歎息愁怨之蘇凡若 報便陵廟之響趾而或不免於畏怯苟安之計非不 非 廟 寤寐聚英者非不切而柔邪庸繆之革顧得以久竊廊 未當不朋分角立而交戰於其中故所以體貌大臣者 不欲聖天下之讒說珍行而亦未免於誤聽非不 不一而足是以所用雖不至盡非其人而亦不能盡 不厚而便嬖側娟之私顧得以深被腹心之寄所以 之權非不樂聞天下之公議正論而亦有時而不容 歷代名臣奏議 欲

得其人所由雖不至盡非其道而亦不能盡合其道規 釕 也問者天啓聖心日新盛德奮發英斷整頓網維蓋 之人為陛下惜之臣知陛下之心亦不能不以此為恨 以召亂非獨不可以謀人而實不足以自守非獨天 模蓋當小定而卒至於不定志氣蓋當小立而卒至於 猶恐其未免少交戰之患也蓋結傳寫漏洩文字之罪 意乎天理之純而人欲之盡矣然臣竊以其事觀之 好四月全書 立虚度歲月以至於今非獨不足以致治而或反足 有

者更進而愈盛則知陛下親罷此曹之意未衰也罷累 則 斥遠邪佞則無聽之美固有以異乎前日矣然可諫之 次補者襲其迹以侥倖而不訶當言責者懷其私以緘 竏 久己の早 という 而不問 竊位盗權之姦則柔邪庸繆之黨知所懼矣然而希 無躬則其或繼進而愈切未知陛下果能納而用 便嬖側媚之流知所懼矣然而去者未速而復還存 辯明誣枉慰無孤直則 則知陛下委任此革之意猶在也增置諫 V 歷代名臣奏議 燭幽之明固有以異乎 丰 貞

的安之志兵而置将之權旁出極寺軍政敗壞士卒 果能速而絕之否也謝却做俠嘉獎壮圖宜若可以勵 日矣然造言之人無責則其或提出而益巧未知陛 可以寬疲民之力矣而監司不擇守令貪殘政煩賦 元元失職則恐未有以固有邦之本即是數者而論 是所謂天理者雖若 則恐未有以待天下之變振原蠲租重禁科擾宜 夫以陛下之神聖仁明莅政之久圖治之切宜其晏 小勝而所謂人欲者終未盡除 重 愁 岩

金少口匠

白電

卷三

矣然不探其本而徒指其末不先其難而姑就其易毛 然陰陽方爭勝員未决不知將後何日何時而可以粗 利害之末流臣恐其未足以端出治之本清應物之 舉天下之細故而不本於陛下之身營管馳騁乎事為 見聖治之成也耶聞之道路比來士大夫之進說者多 然高拱以享功成治定之安久矣而歲月逾邁四顧茫 以檢陛下正大宏遠之圖而使天下之事悉如聖志之 欲也告者舜禹孔顔之間蓋皆病此而講之矣舜之 生ちら云云茂

戒禹曰人心惟危道心惟微惟精惟一允執厥中而 欽定四庫全書 復禮為仁一日克已復禮天下歸仁爲為仁由已而 繼之曰無稽之言勿聽弗詢之謀勿庸謹乃有位敬修 人乎哉而又申之曰非禮勿視非禮勿聽非禮勿言 **遠传人鄭聲淫传人殆嗚呼此干聖相傳心法之要** 可願四海困窮天禄永終孔子之告顏淵既曰克已 勿動 以極夫天理之全而容乎人欲之盡者可謂魚其 既告之以 損益四代之禮樂而又申之曰放 鄭 必 由 非

復講矣臣愚不肖竊願陛下即今日之治效沂而上 有所謂實理之原動則徒以應緣無碍為達而不知有 帝王之盛其或耻為庸主而思用力於此道則又不免 反以害於政事蓋所謂干聖相傳心法之要者於是 所謂善惡之機是以日用之間內外乖離不相為用 蔽於老子浮屠之說靜則徒以虚無寂滅為樂而不 有志於此是以雖或隨世以就功名而終不得以與乎 本末巨細而舉之兵兩漢以來非無願治之主而莫克 世七二生尽美 痂

馬自今以往一 欽定四庫全書 動 以求其所以然之故而於舜禹孔顏所授受者少留意 行 ·非而去之則去之惟恐其不果而不當憂其果之 作之問用人處事之除無不以是裁之知其為是 耶果天理也則故以擴之而不使其少有壅闕果人 之則行之惟恐其不力而不當憂其力之過也 也則敬以克之而不使其少有疑滞推而至於言語 其為賢而用之則任之惟恐其不專聚之惟恐 一念萌則必謹而察之此為天理耶為 知

豐水有艺武王豈不住貽厥孫謀以熊翼子武王烝哉 此 惟 矧今祖宗光明威大之業付在陛下将以傳之無窮四 間而天下之事將惟陛下之所欲為無不如志矣詩曰 不聚而不當憂其為黨也知其為不肖而退之則退 則聖心 己可巨白品 與眩厥疾不瘳惟陛下深留聖志痛自刻勵而力 之内所望於陛下者不但數世之仁而已書曰若樂 恐其不速去之惟恐其不盡而不當憂其有偏也如 洞然中外融徹無一毫之私欲得以介乎其 歷代名丘奏議 並

象君子以慎言語節飲食言語飲食猶謹節之况其他 孝宗方銳志肄武右諫議大夫黄洽因風諫言順之 忍終棄使得復望清光環視其中無他所有軟繹舊聞 不别白肯不分明曾不足以上悟聖心而陛下哀憐 寒聞學無所就前此兩蒙賜對所言大意與此略同解 依託萬方黎獻水有歸在天下幸甚天下幸甚臣孤 之使萬世之後猶可以為後聖法程則宗社神靈水 金り 以此追僭妄狂率罪當萬死伏惟陛下裁 赦 有 陋

平凡筋力喘息之間一有過差皆非所以養其身也 乎太虚之中胚胎融液不可測知而萌者達屈者信潜 武威之為刑慶之為賞奔走中四海之内動化鼓舞 天之所以祖羣物者以元氣之正也經之為文雄之為 者傷生者遂人徒知確然在上若以不宰為功而不知 制萬方盎馬而春燠馬而夏潔馬而秋肅馬而冬盤簿 衛博上奏曰臣聞君天也天以元氣祖摩物君以神道 曰卿言無非仁義忠孝可為萬世臣子之法朕常念之

炎ビリ草ム馬

歷代名臣奏張

張天紀真安區極宥天下以不測之神者固已與天 陛 惟神道設則震動靜專參作開闔所以為君之尊 在 四三王之資一 上若以不勞而治而不知君之所以制萬方者以神 測 無間然矣然臣猶有是說者以臣之愚竊謂陛下 下躬大歷服于今六年賞慶刑威文昭武烈所以 之設也惟元氣正則茫然運宣然化所以為天之 知而大者畏小者懷亂者定肆者來人徒知巍 九州之志簫匀羣愿冠带百蠻之略而 髙 恢 然 有 侔

金グ

Ľ

とこれ

卷二

蔡方略如臣至愚何敢望清光之萬分然出入周行 臣下拜感藏之餘竊惟陛下以天錫之智勇天授之規 益願陛下體乾之健東夬之决而執神之機以運天下 功之所加化之所被尚未酬聖神之心此臣區區所 虞允文上奏曰臣伏蒙聖恩頒賜御筆曲示股心之眷 則 炎已日奉亡号 一 何事之不成何征之不服何政之不治哉 於此仰窺陛下營經四方之遠圖終始惟一 知上天界付大敷大業開億萬年無窮之基者固自 歷代名臣奏議 圭 臣 有以

得失之間而成敗遂分甚可懼也臣當觀自古明良之 傳可考也陛下秉誠信一德方将以真情推布於下 信與誠而已誠則不變信則不疑不疑則無間言之 會精神交感於一堂之上而言意相通於萬里之表惟 默定矣然天下之事有敗有成而聚人之謀有失有得 之事亦何敢不堅其誠信傾盡肺腑勉圖於一 不變則無異論之可移勲紫之集益本於此載籍所 四顧其身惟有隻影雖使之處至危之地而行至難 一得覬事 可

響版圖之未後疆場備禦之界不忘於念慮規恢廣大 息言天德主乎剛健君德貴乎自强故造化所以連用 卷卷之忠伏乞齊照 とこりを いたう 資乘大有為之會飛龍之始属精圖治情勍敵之逆 衛涇上奏曰臣聞君天也易曰天行健君子以自强不 之或成以効後日之報子感天荷聖不能自己併及其 '志嘗載於詠歌以陛下英武神聖銳意事功中與之 窮而德業所以光輝日新也恭惟陛下以不世出之 歷代名臣奏議 理

即 圖 釒 为四座 用 田木 口賞罰 客運草茅書生固難窺 以與利除害而課效無有求過 位 日月可冀然歷歲滋久一事未就 二十六年之間 用 以来へ 蘇作武勇之氣而士弱未振 有量 雖廣而尚多遺才更冗而未澄今行而數 刑 策多士大 政曰 紦 所規畫几所施設几所 綱 法 抵 度孜孜講求不 識 日兵回財 而臣所 不暇行寬邱之 取 口民口風俗 得 仰 知天機 財已沒而常 竊聞者自陛 外 建立 此 -涧 數 犱 政 胟、 曰 端 廟 而 非

致定四事全等 · 為宏遠久大之規募僅可以苟安無事而遂已耶臣甲 本支日茂以一祖八宗之業太上皇付託之重子孫億 銳於為治不次而用將相委任而責成功一時之臣 足憂而風俗安於苟且之可畏大略言陛下即位之 辰之春獲偕諸生冒上愚對當謂天下非治效不進之 萬年之基緒陛下一身任之可不圖終慮遠治謀熊翼 之大計事機易失時不再來陛下富於春秋聖子神孫 舉目前之事曾無足以少稱陛下意者而何暇於規恢 歷代名臣奏節

生 者臣當以更 肆大言誕謾亡補往往負責而去而陛下大有為之志 亦因是少她故妄議陛下前日求治傷於太急而今 之習上下苟且莫肯任事風俗日以壞士氣日以恆 U 謂也 以困 又失於太緩故庸常之流得以持禄保身成偷安 明賞罰以属偷堕起萬事於積廢圖大業於 願陛下體剛健之德堅自强之志振紀 刑 法 化之說為陛下獻臣所 O 以滋天下之患將有出於意慮之 謂更化非變法 綱 民 Ð O

ノジョー

愁三

次已の東上 間也陛下過聽權置首選兹緣故實誤恩收召級 則又負風心敢以奏篇之末議當蒙陛下所採録者 顧豈在於紛紛多事耶詩曰周雖舊邦其命維新 惟陛下貴其在愚 因輪對賭望天日臣竊伏惟念一介跳賤借言 則未信而諫聖人深戒若掇拾細故上漬 歷代名臣奏談 四十 負 淵

金万口及八三十 歷代名臣奏議卷三 卷三